

# ما هو اسم الله الأعظم الذي إذا دعي به أجاب؟! | د. حازم

## شومان

حازم شومان

السلام عليكم ورحمة الله وبركاته. اخواني واخواتي في الله. ايه هو اسم الله الاعظم؟ اسم الله الاعظم؟ يعني اعظم مفتاح لفتح ابواب السماوات. يعني اعظم مفتاح من مفاتيح خزائن الله. يعني اللي معه مفتاح لخزائن الجتس ولا واحد من مليارديرات العالم هيبقى بالنسبة له معه - [00:00:00](#)

يعني كنوز قد ايه؟ اللي معه مفتاح من مفاتيح خزائن الله اسم الله الاعظم. يا ترى يعني النبي عليه الصلاة والسلام قال اسم الله الاعظم الذي اذا دعي به اجاب - [00:00:21](#)

فاذا سئل به اعطى. الله! ده اعظم مسابقة في الوجود. واجمل مسابقة في الوجود يا جماعة. اجمل مسابقة في الوجود ليه؟ لان تتعلق باسماء الله الحسنى سر السعادة الوحيد في الحياة. سر الاحساس بالغنى. سر الاحساس بالسلام النفسي والامان في الحياة. اسم الله الاعظم. فيه علماء قالوا اسم الله الاعظم هو - [00:00:31](#)

اسم الحي القيوم اשמعنى اليوم؟ يا جماعة القيام على شارع واحد من شوارع بلد واحدة معجزة مذهلة لا يتمكن منها كل ملوك الارض لو سمعوا كل شارع من شوارع الارض كل واحدة حامل فيه القيام على الجنين بتاعها وعلى صحتها وكل واحد مديون فيه القيام على سداد دينه. وكل واحد فيه كل - [00:00:51](#)

طالب مطلوب منه مدارس مصاريف مدرسة وباصات وسابلايز كل قطعة فيه كل نملة فيه كل عصفورة في شجرة من اشجاره اسم الله القيوم ده اسم مذل اللي بيقوم على السماوات والارض ده اللي مقوم كل حاجة. اللي كل شيء في الكون ينهار من غيره. فيه ناس تانيين قالوا لا ده اسم الله. الله اللي ذكر - [00:01:11](#)

القرآن الفين ستمية سبعة وتسعين مرة. الله اللي النبي ما كانش بيدعي دعوة الا يقول اللهم يعني يا الله! يا الله! يا الله! اسم الله اتقوا الله ده من الوله. الوله يعني القلوب الولهانة للشوق لربنا. عشان كده سيدنا ابراهيم كان بيقول لابوه اتخذ اصناما الهة - [00:01:31](#) انت مجنون! انت بتتولى و بتتألى و قلبك ولهان وهاهيم في شوية حجارة! انت مجنون! يبقى اسم الله! ناس تانية! لا! مش الحي قيوم ولا الله امال ايه قالوا ذو الجلال والاکرام. ذو الجلال الله خاطب الارواح بذو الجلال. فتيمةا وخاطب النفوس - [00:01:51](#)

دول اكرام فهميها. اسم جبار لما صحابي قال يا ربي لك الحمد كما ينبغي لجلال وجهك وعظيم سلطانك. جاب الجلال جلال وجه الله قبل عظيم سلطان الله. عظيم سلطان الله المذهل في السماوات والارض ده. جاب الجلال قبل عظيم السلطان ذو الجلال والاکرام اللي جلال - [00:02:11](#)

يخطف قلبك واکرامه يلهف نفسك على بابه. ناس تانيين قالوا لا بديع السماوات والارض. البديع الابداع اللي ما لهاش مسيل بيضيع السماوات والارض اللي ما لوش مسيل في الوجود. اللي ما لوش مسيل في صفاته ولا جماله. وبديع السماوات والارض اللي ابداع كل شاشات العرض - [00:02:31](#)

المره اللي حوالينا اللي ابداع العشرين مليون نوع كائن حي اللي على وجه الارض. اللي ابداع كل لمسة جمال في الكون. ناس تانيين قالوا لا لا لا لا ده اسمه الصمد - [00:02:51](#)

الصمد الذي يصمد اليه في الحوائج. الصمد يعني الكبير. الصمد يعني الكبير اللي يؤوى اليه في كل ازمة. يعني انت لك كبير. يعني

الكون ده ده كله بكبير يعني انت لك حد تجري عليه بلهفة. اول ما تقع في زنقة الصمد سبحانه وتعالى الاسم اللي ختم به القرآن كله.

ناس - 00:03:01

قالوا لا لا لا لا ده مش اسم صمد ده الرحمن. الرحمن ذو الرحمة النافذة. اللي نفذت لابراهيم في النار. اللي نفزت لحبيب الله محمد عليه الصلاة والسلام في الغار اللي نفزت ليونس في بطن الحوت. اللي نفزت للتلاتة لما اتقفلت عليهم الصخرة. الرحمن ذو الرحمة النافذة. اللي تنفذ لك - 00:03:21

مهما كان الكرب ومهما انعدمت الاسباب. ومهما اسودت الدنيا الرحمة اللي تنفذ في قلب الالهوال. تحول النار لمرض وسلام. طب ايه هو اسم الله الاعظم؟ العلماء مختلفين يا جماعة على ستاشر قول. ستاشر قول من اسماء الله الحسنى. ايه هو الاسم الاعظم -

00:03:41

طبري له قول جميل قوي. قال ان كل اسماء الله الحسنى هي اسم الله الاعظم. وان ما فيش اسم اعظم من اسم. ولكن كل اسماء الله الحسنى وصلت قلت الغاية في العظمة. ابن حجر خد القول ده بقى وجابه بطريقة جميلة رهيبة والغزالي وغيرهم من العلماء. وكثير من العلماء قالوا اسم الله - 00:04:01

اعظم مش اسم معين. يعني مش هو اسم الله ولا القيوم ولا الصمد ولا الرحمن ولا بنيا السماوات والارض. قالوا اسم الله الاعظم ده اعظم اسم في قلبك الوقت عن ربنا وانت بتسمعي. اعظم اسم بيستغرق قلبك لما ترفع ايدك وتنادي ربنا به. اسم الله الاعظم في قلبي ممكن يكون الاول والآخر - 00:04:21

اللي ما فيش حاجة قبله ولا فيه حاجة بعده. الاول والآخر اللي لا قبله ولا بعده. الوحيد اللي يملك كل شيه في مقدرات حياتك في الكون. ممكن يكون في قلبي بكرة اسم الله. اعظم اسم في قلبي المهيمن اللي ما فيش زرة في الوجود خرجت عن حكمه. ممكن يبقى في لحظة اسم الله الاعظم في قلبي - 00:04:41

احنا دماغنا ضيقة. اقصى حلمك وانت شاب من الشباب انك تنجح في مادتين. اقصى حلمك وانت بنت انك يجي لك عريس كويس. اقصى حلم انك تلاقي شقة مية ستين متر ايجار مؤقت تتجوز فيها. الله الواسع ممكن يوسع عليك فوق ما تتخيل في رزقك وايمانك ورحماته - 00:05:01

وبركاته. ممكن يكون اسم الله الاعظم في لحزة من اللحزات جوة قلبي. السلام المؤمن. انا عايز سلام نفسي يا رب. انا عايز اعيش في سلام. انا عايز الامن في حياتي وفي قلبي يا رب يا مؤمن. املى حياتي بالامن والامن. يبقى ابن حجر بص لمعنى جبار يا جماعة ان اسم - 00:05:21

والله الاعظم هو اعظم اسم في قلبك لما بترفع ايدك قلبك بيستغرق وروحك بتنسى الوجود نفسك بتجمع كلها على الله لما ترفع ايدك وتقول يا رب بهذا الاسم. ايه هو ايه اعظم اسم في قلبك؟ هو ده اسم الله الاعظم - 00:05:41

ايه اعظم اسم انت حاسة بجلاله في قلبك اللطيف. اللطيف اللي من غيره الحياة عمرها ما كانت تبقى لطيفة ولا تطاق. الودود اللي بينه وبينك كل ود ورحمة ونفحات وهدايا وعطاءات مستمرة طول ما انت بتذكره. القدوس ايه الاسم ايه الرحيم الرؤوف ايه -

00:06:01

اللي اعظم اسم في قلبك هو ده اسم الله الاعظم. العلماء اختلفوا على اربعتاشر قول. الحي يا قيوم ولا المنان ولا بداعي السماوات والارض. لان النبي عليه الصلاة والسلام سمع صحابي يقول اللهم لك الحمد لوحدك لا اله الا انت - 00:06:21

وحدك لا شريك لك. يا من ان يا بديع السماوات والارض. يا ذا الجلال والاکرام. يا حي يا شوفوا كل الاسماء دي النبي عليه الصلاة والسلام اول ما سمعها قال لقد دعا الله باسم الله الاعظم. الذي اذا دعي به اجاب - 00:06:41

اذا دعي به يعني انا في ازمة انا باستدعيك يا رب تعال معي. مش قادر لوحدي في الازمة دي. واذا سئل به اعطى اعظم مفتاح لخزائن الله. طب الاسم ده ايه؟ العلماء قالوا طب هو اسم من الاسماء دي بتاع السماوات والارض ولا المنان ولا الحي القيوم ولا ذو

الجلال والاکرام - 00:07:01

اه ولا ايه من الاسماء دي كلها ولا الحميد؟ اللهم اني اسألكم ان لك الحمد. انا يا جماعة اللي انا شايفه في الدعاء ده ان واحد ملهوف قاعد يدعي ربنا باللي في قلبه زي ما - [00:07:21](#)

ارفعني ايدك كده وتقولي يا رافع السماوات. يا رب العرش العظيم يا رب المشارق والمغارب. يا ذا الجلال والاكرام يا خالق ورازقي يا شافي يا كافي يا هادي. قلبك بقى اللي بيتكلم هنا. اعظم اسماء في قلبك قاعدة تطلع على لسانك. هو ده اسم الله الاعظم -

[00:07:31](#)

ان قلبك يبقى مفتوح على جلال الله. طيب لو قلنا من الاربعتناشر قول ايه ارجح الاقوال على اسم الله الاعظم القول الاول الله طبعاً. ده ارجح الاقوال. لان ده الاسم اللي كان النبي دايماً بيدعي به ربنا. وده الاسم اللي مذكور في القرآن الفين ستمية - [00:07:51](#)

وتسعين مرة حاجة رهيبة غير كلمة اللهم خمس مرات حاجة رهيبة يعني عدد رهيب. قالوا ده اسم الله الاعظم وده في الحب والوله وتتييم العقول والقلوب بالله سبحانه وتعالى. وحيرة العقول في جلال الله. طب القول الثاني الحي القيوم. اللي مقوم - [00:08:09](#)

الكون ده كله الحي اللي لا يخفى اللحزة لو كان الحي لو كان ربنا يغفل لحظة ويونس في اللحظة دي وقع في بطن الحوت كان يونس عمل ايه؟ وسيدنا محمد في - [00:08:29](#)

حصر في الغار كان عمل ايه؟ وسيدنا ابراهيم في اللحزة دي اترمي في النار كان عمل ايه؟ الحي القيوم الذي لا يغفل ولا ينام اللي مقوم لك حياتك ومقوم لك حياتك ومقوم لك امورك ومقوم الكون كله. يبقى نخرج من كده بايه؟ نخرج من الرحلة الجميلة العظيمة -

[00:08:39](#)

في وسط اسماء الله الحسنى جنة الله في الارض. وسبب الفرحة وسبب السعادة بايه؟ ان اسم الله الاعظم هو اكثر اسم قلبك حاسس وانت بتقولي يا رب هو اعظم اسم قلبك حاسس به في اسماء الله الحسنى. ده قول جميل اوي يا جماعة. قول الامام ابن حجر

العسقلاني والامام الغزالي وغيرهم - [00:08:59](#)

من كثير من العلماء اه اه وقريب من قول الامام الطبري ان جميع اسماء الله هي اسم الله الاعظم فشوف انت اعظم اسم في قلبك ايه. ما تيجي ندعي ربنا. ما تيجي نتوسل الى الله باعظم اسماء في قلوبنا الوقتي. ما تيجي نتطلع الى الله المدارس داخله. ناس كثير يا

جماعة دلوقتتي ما عهاش فلوس - [00:09:19](#)

اباء قاعدين يفكروا اجيب منين السبلايز في المدرسة وتجييب الاب حامل هم ورقة السبلايز من دلوقتتي واجيب منين مصاريف المدرسة في وسط الباص وفلوس الانيفورم في ناس مننا الوقتي اللبة الصفرا نورت في عربيتها وما عهوش فلوس يملى بنزين. في

ناس مننا دلوقتتي مرعوبة من ارتفاع الاسعار في ناس مننا مريض - [00:09:39](#)

وناس مننا مأزومة. نسبي واحنا في يوم الجمعة ساعة الاجابة اعظم ساعة اجابة في الاسبوع كله. ربنا اخفاها في وسط يوم الجمعة ما حدش عارف هي امتى. وان كان ارجح - [00:09:59](#)

اقوال من بعد ما نصلي العصر دلوقتتي لحد المغرب. اللهم انا نسألك باسمك الاعظم. اللهم لك الحمد. اللهم لك الحمد لا اله الا انت

وحدك لا شريك لك. يا منان. يا منان. يا بديع السماوات والارض يا ذا الجلال والاكرام. يا حي يا قيوم - [00:10:09](#)

اللهم يا رافع السماوات اللهم يا رب العرش المجيد اللهم يا عظيم يا عزيز يا مهيم يا اول يا اخر اللهم يا رب المشارق والمغارب. اللهم صل على محمد عليه الصلاة والسلام. اللهم تب علينا الان. اللهم اغفر لنا الان. اللهم - [00:10:29](#)

الان اللهم افتح لنا من ابواب الدعوة اليك ما ترضى به عنا. اللهم وسع علينا في رزقنا يا رب. اللهم وسع دارنا اللهم بارك في اعمارنا.

اللهم اهدنا وسددنا. اللهم الهما رشدا واعذنا من شر انفسنا. اللهم - [00:10:49](#)

ربنا اتنا في الدنيا حسنة وفي الآخرة حسنة وقنا عذاب النار. اللهم انا نسألك من الخير كله اجله واجله. ما علمنا منه وما لم نعلم.

ونعوذ بك من الشر كله. عاجله واجله ما علمنا منه - [00:11:09](#)

وما لم نعلم اللهم اهدنا فيمن هديت وعافنا فيمن عافيت وتولنا فيمن توليت وقنا واصرف عنا شر ما قضيت. وبارك اللهم لنا فيما

اعطيت. انه لا يذل من واليت. تباركت وتعاليت. اللهم - [00:11:29](#)

زدنا ولا تنقصنا. اللهم اكرمنا ولا تهنا. اللهم اعطنا ولا تحرمنا. اللهم اثرا ولا تؤثر علينا ثم اهدنا ويسر الهدى اليها. اللهم اهدنا وسددنا.

اللهم اهدنا وسددنا. اللهم استعملنا ولا تستبدل بنا. اللهم اهدنا - [00:11:49](#)

قفنا وسددنا اللهم اشرح لنا صدورنا. ويسر لنا امورنا واحلل عقدة من السنتنا يفقه قولنا. اسم الله الاعظم جميل كلام مقطوع جميل والله يا جماعة. انا حاسس بطعمه في قلبي. انا حاسس بلذته في روحي. واحنا بنتكلم عن الله في هذا اليوم المبارك. يوم الجمعة -

[00:12:09](#)

عيد المسلمين ادعوا باسم الله الاعظم. ادعوا ربنا كثير. ادعوا تضيعوا ساعة الاجابة الوقتي. احنا هننزل دلوقتني نصلي العصر جماعة يا جماعة باذن الله سبحانه وتعالى. وبعد كده من العصر - [00:12:29](#)

المغرب امسكي كتيب الدعاء بتاع القحطاني. امسكي اي كتيب دعاء. او اخر صفحتين في اي مصحف ببيقوا ادعية. اقعد ادعي ربنا. اصبري على الدعاء ممكن يكون اللي بينك وبين فتح الله في حياتك انك تصبري الساعتين اللي جايين دول على الدعاء. ادعوا

تضيعوا الفرصة المهيولة دي. ادعوا تضيعوا ساعة الاجابة. لان ارجى وقت لها - [00:12:39](#)

من العصر للمغرب يوم الجمعة اصبري ساعتين. ارفعوا ايديكم توسلوا تضرعوا تذللوا. تذللوا بكل اسماء الله الحسنى لعلك تصيبي اسم الله والاعظم الذي اذا دعي به اجاب واذا سئل به اعطى. ادعي تعجزي زي ما صبرنا لربنا يوم عرفة. ست ساعات رافعين ايدينا بنقول

يا رب - [00:12:59](#)

نصبر الوقت يا جماعة دي ارجى ساعة اجابة طول الاسبوع. ادعوا تضيعوها. ادعوا همتمكم تضعف. ساعة مذاكرة مش هتغير مستقبلك. ساعة تجارة مش تغير مستواك المادي ساعة ترفيهه وفسحة مش هتغير نفسيتك. ولكن ساعة دعاء هتغير مستقبلك

وحياتك ومقدرات امورك كلها. ادعوا - [00:13:19](#)

عجزوا في هذه الساعة فاعجز الناس من عجز عن الدعاء ربنا يسبطني ويثبتكم ويوفقني ويوفقكم في هذه الساعات اللي قبل مغرب الجمعة يا جماعة سبحانهك اللهم وبحمدك اشهد ان لا اله الا انت استغفرك واتوب اليك. جزاكم الله خيرا - [00:13:39](#)